

CCCBzytig

s Clique-Organ vom Central Club Basel



Scho sin si wider umme – die scheenschte drey Dääg vom Joor. Mit wunderbrächtige Bum-
melsunntige isch d Fasnachtssaison 2008 abgschlosse worde. Doch statt no lang noch-
zdruure, luege mr lieber vorwärts und freuen ys jetz scho uf e wyters spannends, luschtigs
und abwäggligryychs Cliquejoor. Noch em Bsuech in dr Baseldytsche Bihni, de Hauptver-
sammlige und dr GV, goots scho bald mit em CCB EM – Studio im Spärber los. En Aloss,
wo sicher dr eint oder die ander mehrmols (und das hoffendlig nid nur als Zueschauer,

sondern au tatkräftig im Service) azträffe sii wird. Unter anderem mit em Bebbi sym Jazz und em Herbschtbummel stöhn denn wyteri Höhepünggt uf em Brogramm, bevor`s denn scho wider mit de Fasnachtsvorberaitige fürs 2009 afoht. Doch bevor mr jetz scho sowit in d Zuekunft luege, wünsche mir euch zerscht emol e schöni Friehligs- und Summerzyt. Gniesets, wenn s au emool nit so fasnächtlig zuegoot!



Steffi & Marco



Liebe CCBlerinnen
Liebe CCBler

Arlesheim, 13. März 2008

Es dröhnt mir immer noch in den Ohren, das Gebimmel von Ursis Glocke...Diese war für mich das Symbol, wie diese Saison vom Drummeli bis und mit Bummel harmonierte. Nicht nur wir als Clique, auch das Sujet mit allem Drum und Dran, alles hat gestimmt – sogar das Wetter! Auch musikalisch durften wir uns zeigen, da lief es einem ab und an kalt den Rücken runter. Ich bin stolz ein CCBler zu sein und freue mich schon jetzt auf die nächste Fasnacht am 2. März 2009, wenn es heisst „Achtung Morgestraich vorwärts Marsch...“ und weiss, dass ich wie immer eine innere Zufriedenheit spüre und das Fasnachts-Gen wohl nie mehr los werde.

Eure Obmaa
Guido Jäggi

**Lischer**
ALLROUND-MARKETING

Tel. 061 483 17 29
Mobile 079 644 44 85
Fax 061 483 17 28
info@lischer.ch

Für kleine und mittlere Unternehmen bieten wir:
ALLES!

www.lischer.ch

Fragen Sie uns **ALLES!**
.....wir sind für Sie da!

Die Brasserie mit Pfiff



JUSTIN UNTERNAHRER AG

Elektro- und Telefonanlagen
Reparatur-Service
Beleuchtungskörper und Haushaltgeräte



Hegenheimerstr. 97
4055 Basel
Tel. 061/382 72 72
Fax 061/382 72 78
email@unternaehrer-ag.ch
www.unternaehrer-ag.ch
☑ vor dem Hause

Impressum

Redaktion

Steffi Bürgin
Peter Ochs-Str. 61
4059 Basel
redaktion@ccb1911.ch

Layout/Satz

Marco Baumann
marco-baumann@bluewin.ch

Auflage

370 Exemplare

Druck

Druckerei
Dietrich AG
Pfarrgasse 11
4019 Basel

Papier

100% chlorfrei gebleicht

Adressberichtigungen

Andreas Künstle
Güterstrasse 158
4053 Basel
andy.kuenstle@bluewin.ch

Beiträge

Dany Soldati
Dr Bebbi
Féi li kè sí
Guido Jäggi
Hanspi Schoberth
Noemi Ziltener
Stephi Uehlinger
Tim Vögelin

Redaktionsschluss CCB

Zytig Nr. 236
im Septämber 2008

Drummeli

DR CHAUVI

Scho kurz nach dr Wiehnacht isch es wieder so wit gsi. S Drummeli 2008 isch vor dr Tür gstande. Unser Sujet für s disjöhriige Drummeli isch d Euro 08 gsi. Mit eme Mix vo sägs Hymne, in dr Form vo drei Match, hän mir s Publikum vo uns welle überzügen. Sit em Herbscht hän mir kräftig unsere Marsch giebt, wo dr Daniel und dr Cesi für uns gschriebe hän. E super Arbet hän sie gleichtet. Nach langem Iebe und viel Konzentration hän mir's denn doch no gschafft, dass dr Drummelmarsch nach öbis dönt und bi allne sitzt. Es sin zwar vieli harti Yebigsstunde gsi und mit dr Zyt sin eim die Hymne us de Ohre



us ghangen, aber es het sich glohnt. Mir hän gseh, mir hän e super Show uf d Bühni glegt, wo mir drfür au jede Oobe mit eme grandiose Applaus belohnt worde sin. E baar mol het s Publikum miese schmünzle. Agfan-

ge hets bim erschte Foul, wo dr Christian J. e überdimensionals Piccolo em Marcel B. über d Drummle ghauet het. S'isch nid lang gange und d Rach isch zrugge ko. Wie e Profi-Fuessballstar het sich dr Pascal nach em Foul vom Marcel B. am Bode umegwält. Me könnt fascht meine, är syg Fuessballer vo Bruef.

Au ein vo de Highlights isch nodüerlich unsere Flitzerer gsi. Nid ganz jugendfrei, aber me muess sage, e Prachtsstügg het är

scho ka. Au erwähnenswert sin unser Dönerfrauele und unse-



ri Fans, wo uns kräftig unterstützt hän. Ohni sie wär dr Uftritt nur halb so guet gsi. Ich ka nur sage, es isch widr mol e ungläubigi Drummeliwoche gsi und ich glaub mir freue uns alli scho jetzt, wenn mir in zwei Joor widr uf dr Drummelibühni könne stoh. Stephi U.

— Weil mir meine Freiheit wichtig ist.

BOX. Die junge Haushaltversicherung der Winterthur.


Winterthur Versicherungen
 Hauptagentur Pratteln, Kurt Spörri
 Oberemattstrasse 33, 4133 Pratteln
 Telefon 061 826 90 40, Fax 061 826 90 54
 kurt.spoeri@datacomm.ch

Nah am Leben, nah bei Ihnen.

winterthur

Closed Cow Broject

KUE ZUE - KLIMA PRIMA



Stammverein



Bummel

EIERLÄSE, ÖRGELI UND SURKRUT

Am 20.12.2007 han ich dr CCB bi me gmietlige Fondueässe kenne glehrt. Ich bi begeisteret gsi wie offe und hätzlig ich empfangen worde bi. S'het mr au grad mi klaine Vorbehalt und



Frog gno, ob's in ere organisierte Clique ächt nid e bizli "militärisch" zue goht. Ha gli gmerkt was CCB heisst: Chaote-Club-Basel :-)

Ich bi stolz, dass ich zue däre Clique darf ghöre! An däre Stell möcht ich mi hätzlig für euri Offeheit und Hätzligkeit bedangge, wie n'Ihr mi uffgno hän. Mi offizielle Ystand erfolgt denn an dr nöggste Fasnacht bzw. am nöggste Bummel.



FALLS SIE SO EINEN
ZUHAUSE HABEN:

JÄGGI LIEFERT AUCH
SCHALLSCHUTZTÜREN.

JÄGGI AG
TÜREN UND SCHREINEREI
BASELSTRASSE 85-87
CH-4144 ARLESHEIM

TELEFON 061 706 96 00
FAX 061 706 96 01
INFO@SCHREINEREI-JAEGGI.CH
WWW.SCHREINEREI-JAEGGI.CH

JÄGGI

Jä, mir hän uns am Bummelmorge uf die nüüni im Spärber zu Kaffi und Gipfeli troffe. S'het bi dr Amäldig gheisse, me miess s'GA oder Halbtaxabo und guets Schuehwärk mitnä. So bin ich gspannt gsi, wo s'uns ane fiehrt, ha natürlig dänggt, dass mir mit em Zug wärde unterwägs si und sicher 2-3 Stund laufe. Doch unsere Wäg het zum Aescheplatz an d'BLT-Busstation gfiert, wo mr gwartet und gwartet hän.....doch är isch denn doch no ko, unsere reservierte Bus. Mr hän e scheens Fährli via



Baselland, Aargau gmacht, und sin denn letschtändig wieder im Baselbiet glandet. Bi n'ere Waldliechtig sin mr usgschtiige und denn e paar Meter gloffe. Denn sin mr im Wald vo me super Apéro - Späckzopf, Bier und Gliehwyy - empfangen worde. Aschliessend sin mr ebbe e Viertelstund gloffe und denn bim Buurehof Nushof ako. Spötstens denn ha ich realisiert, dass kai Wanderig agsait isch :-)



Die gueti CCB-Stimmig isch scho voll in Gang gsi, und het sich no gesteigeret bi dr Eierläsete-Staffette. D'Gruppe Rose het gwunne, jedoch isch si au e weeni im Vorteil gsi, denn Garette und Traktor sin nööcher parat gstellt worde als bi de Andere. Die ganzi Aktion isch e Mordsgaudi gsi. Noochhär hets in dr Schüüre e sensationells Buurebuffet gä, alles sälber härgstellt vo unsere Gaschtgäber. Während em Ässe sin mr musikalisch begleitet worde. Alles isch abgstimmt gsi uf unser Fasnachtssujet – perfäkt. Au s'Wätter isch uns wohlgsinnt gsi, zwische Hauptgang und Dessert hän mr an dr Sunne vorusse unseri Seel baumele lo. S'Dessertbuffet isch nid nur mit Siessigkeite agriichertet gsi, sondern au no mit



de Schnitzelbänggler "Stägefässler" - beides sauguet gsi - Denn hän uns au no die Neue im Stamm mit emene Ständeli verwöhnt. Super! Als Wärschätzig für d' Buurefamilie het dr Stamm no ne Abschiedsständeli zum Beschte gä, und am 16.30h sin mr vom Bus abgholt worde. Ändstation isch d'Schiffländi gsi, wo mr noochär gli bim Hotel Basel zum gässle abglofe sin.



S'isch e Bombestimmig gsi in dr Stadt und unter uns, und mir hän dr Bummel wyterhin gnosse. Während ere Pause sin mir



kulinarisch nomol verwöhnt worde, und zwar vo dr Isabelle, wo ihre Ystand gä het mit sälbergmachte, gfüllte Brot und CCB-Wysse. Obwohl unseri Büuch vom Buureschmaus no alli voll und kugelerund gsi sin, het me däne wunderbare Brot nid könne widerstoh - nomol härzlige Dangg.



Agända Stamm

2008

- 10.04.08 Dambure-Hogg
- 17.04.08 Baseldytschi Bihni
- 15.05.08 Hauptversammlung
- 29.05.08 Generalversammlung
- 07-29.06 EM Studio
- 14.08.08 Yebigsbeginn
- 15.08.08 Em Bebbi sy Jazz
- 23.08.08 Dambure-Bummel
- 20/21.09 Herbstbummel Stamm
- 06.12.08 Santiglause-Bummel

2009

- 05.-07.02 Offiziells Brysdrumme und -pfyffe
- 02.-04.03 Fasnacht 2009
- 15.03.09 Bummel



Am zääni Zobe het dr CCB vor em Hotel Basel musikalisch nomol si Beschts gä, und wo dr Dambuurmajor Thommy abgungge het, sin bim einte und andere e baar Träänli in de Auge gstande. S'isch e super - coole - mega - turbo -oberaffegeile - wonderscheene Bummel gsi.

Dany S.

immer aggtuell: www.ccb1911.ch

Agända Jungi

2008

- 03.04.08 Yebigsafang
- 07.-29.06 CCB EM Studio
- 14/15.06 Glygge Grimpeli
- 06.09.08 JG-Erläbnis-Daag
- 06.11.08 Mässbummel
- 06.12.08 Santiglause-Bummel

2009

- 05.-07.02 Offiziells Brysdrumme und -pfyffe
- 02.-04.03 Fasnacht 2009
- 22.03.09 Bummel

immer aggtuell: www.ccb1911.ch



denn lyt am
Drugger Dietrich aa



Druckerei Dietrich AG
4019 Basel
Pfarrgasse 11
Tel. 061 - 639 90 39
Fax 061 - 639 90 30

Mozzzzquito

WÄR S NO HEERE KA, MUESS FIELE

Mäntig



Scho am Sunntig zoobe bini total usem Hüüsli gsi und ha kuum könne ischloofe. Wo denn dr Wecker glütte het, han i s Gfühl ka, ich heig überhaupt kei biz gschloofe. Aber ich ha mi riisig gfreut uf e Morgestraich. E biz nervös bin i denn scho gsi wo me langsam het miesse d Larve abemache. S erscht Mol als Damburmajor! Zum Glück han i nid miesse dr Morgestraich asaage...das hätt i sicher verpennt! Naja, z spot sin mr jo glich gsi. Nach dr erschte Rundi mit dr Alte Garde und em Stamm und dr zweite Rundi nur mit em Stamm simmr elei wytergloffe. Uf diräktem

Wäg Richtig Käller, wo uns e feins Zmorge erwartet het. S sin au alli hungri gsi und bsunders die Glaine scho zimlig mied. Noch em Ässe sin mr no zum Hotel Basel gloffe wo mr hän könne abträtte.

Am Nomidaag hän mr uns, alli wieder erholt, wie immer vor em Globus am Märtpplatz troffe. Bi perfektem Wätter- nid z heiss, nid z kalt, aber sehr sunnig- hän mr die erschti Route vom Cortège hinter uns brocht. Zum Glück isch mi Goschdym



lychter g s i alses usgseh het. Suscht wäri ganz schön ins Schwitze ko! S het aber richtig Spass gmacht bi so viele Zueschauer duurezlaufe. Wie immer hets im Käller Spätzli gä



- ▲ Steuer- und Unternehmensberatung
- ▲ Buchhaltungen
- ▲ Liegenschaftsverwaltungen
- ▲ Wirtschaftsprüfungen

HÄGI
TREUHAND
AG

Wartenbergstrasse 41, 4020 Basel
Tel. 061 378 88 00, Fax 061 378 88 22
info@haegi-ag.ch, www.haegi-ag.ch

zum Znacht, so hän mir gstärkt bis am zähni möge durehalte.

Mittwuch

Komischerwis bin i am Mittwuch nid wirklich heiser gsi wie s sich für e Dambur-major ghört, obwohl i ständig ha miesse ummeschreie. Derfür het mi Arm e biz weh gmacht. Aber wil dr Mittwuch scho dr letscht Daag gsi isch vo däne drey scheenschte im Joor, han i das schnäll vergässe und eifach gnosse. Dr ganz Nomidaag isch wie im Flug vergange. Wunderschöns Wätter, grausam viel Lüt und eifach e super Stimmig.



Bim Spaghettiässe zoobe isch es so witer gange. Alli sin e biz ufdrüllt gsi...dorum hätt me könne meine, dass am Stammtisch nid die agehende Stamm Lüt sitze, sondern die Jüngschte vo dr Junge Garde. Aber mir häns

luschtig ka, das isch jo d Hauptsach...

Spöter sin mr denn go gässle und hän uns mit em Stamm und dr Alte Garde troffe. Eimol zämme d Freie durab. Leider nid mit dr superschnälle Kombination Retraite-Saggodo-Unggle Sam-Calibra. Das sin DIE Märsch gsi vo dr Junge Garde an dr Fasnacht 2008 . Dr Götti- Halt vor em Hotel drey König isch einewäg toll gsi. Danggschön an däre Stell allne Göttis und Gottis! (Und alle Wildschwein...gruuunz!)

Bis am zwölfi sin mr no elei unterwägs gsi. Denn het s für die Jungi Garde vom CCB leider scho gheisse: Fasnacht 2008 ade! Mit em Ryslaifer isch für uns d Fasnacht z Änd gange. Und mit em Calibra hän mir uns vo e paar super Tamboure miesse verabschiide: Dr Noëmi, em Duno, em Michi und em Sandro. Euch blibt no z sage: S isch e super Fasnacht gsi mit euch, mir gsehn uns im Stamm wider!

Bedange sötte mir uns au bi unserem Obmaa und dr Vize-Obfrau, bi alle Zugbegleiter, Instruktoore und däne, wo uns im Käller bedient hän. Si hän alli e super Arbet gleischtet und sin drfür verantwortlich, dass mir hän könne so ne tolli Fasnacht erläbe.

Noemi Z.



DWM VERWALTUNG UND
UNTERNEHMENSBERATUNG

DIETER W. MEYER Hardstrasse 126
CH-4052 Basel
Telefon 061 313 61 61

Möbellagerhaus
Umzüge

FLEIG

CCB-Mitglied

Fleig AG
Postfach
4006 Basel

Sternenhofstrasse 2
4153 Reinach

Fon 061-272 11 11
Fax 061-272 11 01
www.fleigumzuege.ch

Und wenn's emoole neetig wär...



Neth AG
Sanitär

Auf dem Wolf 21 Basel Tel. 313 10 10

Bummel

E REIS NACH MADAGASKAR

Am Sunntig em 02.03. 08 hän mir uns am viertel ab niini am Morge am Meret-Oppeheim-Platz troffe. Mir sin e scheeni Gruppe gsi, und d' Stimmig isch au guet gsi. D Livia het denn gsait, dass mir uf e Zug mien, und mir hän uns guet gluunt uf e Wäg gmacht. Doch d Schock isch bi e baarne vo uns gross gsi, vo mir gseh hän, was s Ziel vo unserer Reis isch: Ziiri ;-)


Aber mir sin jo tapferi Basler, und so hän mir halt in suure Öpfel bisse;-) Im Zug hän mir alli e



Weggli und e Ys-Tee beko, und scho isch es uns vvyll besser gange... In Ziiri ako sind mir ins Trämli ygstige und in Richtig Zolli gfhare. Dere hän mir zwei Gruppe bildet (d Kinder in einere, und die Ältere mit de Erwaggsene in dr andere) und sind in d Masoala-Halle gange. Das isch e grossi Halle, wo inne e Stück usem Rägwald vo Madagaskar isch. Es het deert e huffe Tier, wo sich frei kenne bewege, unter



anderem Waris (so e Affeart), Veegel und au Eideggse. Nach dere interessante Fiehrig sind mir alli e Lunch-Päckli go abhoole und hän uns d Biich gfillt. Druf hän mir no kenne uf eigeni Fuscht dr Zolli erkunde. D Zyt isch wie im Flug vergange und scho gli isch es zugg nach Basel gange. Vom



Bahnhof us sind mir pfyffend und drummlend zum Cliquekäller, wo s Znacht gä het; Penne kocht vom Vreni... Merci vyelmol für das wunderbare Ässe!!! Bevor mir wieder sind go gässle, hän no alli e CCB-Ballon beko, well Wärbig isch Denn sin mir go gässle, wobi e halbi Stund oder meh hän bis mir ändlig dur die Freyi go. Aber es het sich glohnt, am 10i z'Obe drummlet

sowit gsi isch, und mir vor em Hotel Basel dr letsch-Fasnachtssaison gspiilt hän. Aber wie sait me so Fasnacht isch vor dr Fasnacht. Zfriide und mied sin ge, nach eme ne eimol meh fantastische Bummel. An ich allne Organisatore dange, dass mir so ne tolle erläbe MERCI VIELMOL!!!



halt nötig... mir zerscht öbbe miese warte Stross hän kenne und mir hän bis und pffie, bis es ti Marsch vo däre scheen: Nach dr mir alli heim gändäre Stell möcht Daag hän derfe

Jooresfyyr

HIRSCHÄSSE A LA MODE DU CCB ALTI-GARDE



Der Källermäischer het verzellt, dass är si Gseff nur schriftlig bstellt.

Das Joor isch d Jooresfyyr 2007 am Frytig der 11. Jänner 2008 gsii. Droffe het me sich in der Baiz vo der Lange Eerle. Nai, nit will me zeerscht in de Keefig het miesse go luege, was es uff em Däller git. Aaber, wenn 50 Lyt kemme, isch es nimme eso aifach e Sääli in der Innerstadt z finde. Do muess me halt ins Grieni, wo me vyyl Blatz und Uuslauf het. Und in däm Saal hänn alli Blatz gha.



Dä Uffdrift hänn mer saugäärn gsee. Bappe mit Soon im CCB.

Ab de halber siibeni hets der Apéro gää. Will d Altgardische mit Beglaitig yyglaade gsii sinn, het me by der Begriessig eppen emool flischtere gheert: „Du, wie haisst jetz däm syyni scho wiider?“ Und dnoo lut: „Sali Beetli“. Und scho isch s Plaudere wytergange.



Ob Aggtiv, Passiv, isch doch glyych, Hauptsach isch, s git volli Byych.

Am halber aochti het me sich uf d Disch verdailt, denn s het no Ässe gschmeggt. Es het sauguet gschmeggt und eso isch das Nachtässe au gsii. Gää hets: Zeerscht e Fläädliisuppe, dno Schwyynsbroote mit Pfluume und als Byylaage Gmiesbuget, Pommes Duchesse und Nuudle und zem Deseer e Gaarmelkepfli.

Druffaabe het sich unsere Obmaa gmäldet, uns nadyyrlig begriesst und ergläärt, woorum uff der Yylyadig Jooresfyyr 2007 stoot. Es handli sich do um s vergangeni Joor. Und vo däm vergangene Joor het är dno e Ruggblig ghalte. Waas

alles bassiert isch, ka men au in de letschte CCB Zytige lääse. Eso wie är verzellt het, isch er mit em 2007 zfriide gsii.

Au der Süüscheeobmaa het sich zem Woort gmäldet und uns und ai Altgardischene begriesst. Bevor er aber eppis iiber s Süüschee het kenne verzelle, het sich der Scheff noonemool gmäldet. und gmaint, dass es nääbe der Altgardischene no anderi Daame im Saal het. Also, das ganzi noonemool vo vooorne. libers Süüschee mien mer nyt schryybe. Das isch jo mittlerwyyle bekannt. Au vom Stamm sinn Griess koo. Der Vice het si brocht und gmaint, es gfiel im do by uns. (Eppis anders ka är jo nit saage. Au äär kunnt woorschyynglig emool.) Zem Schluss het er no Wäärbig fir der Stammbummel gmacht. S wuurd aarg kalt het er gmaint und me sott sich waarm aaleege.



Zfriiden und no wie Sinn au die vo Flie.

Die versprocheni liberraschig isch glunge. Do hänn Steppdänzerinne und iire Maischter vo der Steppdanz- schuel „das Tanzwerk“ underem Namme „basel youth tap ensemble“ (es deent efang alles Neigermaanisch) zaigt was si kenne. Was die uff d Biini gfäggt hänn isch grandig gsii. D Dammbuure hänn gnau uff die Fiess gluegt, ob die Dupfe und Schlepp zer Muusig au basse.



Wenn y do zuelueg, find y s heerlig.
Draumsch graad vo friener, sinn mer eerlig.

D Pfyffer und d Voordräbler hänn eenter s Gsammtbild gnosse. Denn nääbe dääre pfundige Daarbietig sinn s no hibschi Jumpfere gsii.

Bevoor me Haim gangen isch, hets nadyyrlig no ainiges z Dischbediere gää. Wiird s an der Fasnacht aarg kalt? So kalt wie der Vice der Stammbummel aabriise het? Muess me nääbem Faaserbelz au noon e ghaizte Räägeschutz mit-nää? In Ainem isch me sich ainig. Es isch e gmietligen Oobe gsii. Danggscheen Walti fir d Organisazioon.

Hanspi Sch.

Die gäali Gfloor kunnt

Am Sunntig, 10. Februar hänn mir mit dr Ladäärne-Vernissage d'Fasnacht 2008 yglaitet. Am vieri Zmidaag het me sich im Käller vo dr Alterssiedlig „Wohnen im Alter“ an dr Ochsegass im Glaibasel troffe und bi Wysswyy und beleggde Breetli de ver-schiidene Ussfierige vo de Scheffe zuegloost.

Dr erscht Hööepunggt isch emool sicher d'Ladäärne gsi, wo unter de Händ vom Urs Däge en absoluts Bijou worde-n-isch. Nach däm dr Sujetobmaa noonemool s'Sujet vo dr Fasnacht 2008 exbliziert het – dasmool eso wie's im Rädäbäng gschtan-de isch – hänn alli druff gwartet wie dr Zeedel ächt uusekoo isch. Wie in andere Joore het dr Walti Schäfer au dasmool wi-der mit schpizigger Zunge, resp. Bleischtift e super Zeedel aa-nezauberet.

Nach wiitere Verdanggige und Glesli Wyy isch me denn uff die säxi Zoobe ins glaine Glingedaal disloziert wo unseri Ladäärne zämme mit dr Stamm- und Jungi Garde-Ladäärne gwartet het um mit Piccologläng ins Grossbasel beglaitet z'wärde.

Die neei Art vo Ladäärne-Vernissage isch allgemein guet aakoo und me het doodermit alli Ladäärne vom CCB an aim Ort kenne beschtune.



Die drei scheenschte Dääg hän natyyrlig wie allewyyll mit em Morgestraich punggt vieri aagfange. Dr ganz CCB mit de drei Ladäärne isch e brächtige Zug gsi. Es het vyyl Fraid gmacht und doo derzue het au s'Wätter e sehr e grosse Aadail ghaa. Me het in dene drei Dääg nit aimool miese an Himmel oder uff d'Wätterkarte luege. Noonem yybliche Halt in dr Strittgass isch die Alti Garde uff aigene Fiess ummegloffe, bis nach em Zmorgeässe im Pfaue und ere wiitere Rundi mit em Stammverain dä heerligi Morgestraich fyr die maischte z'Änd gange-n-isch.



Dr Mändignomiddag het in dr Brunngass aagfange und mer hänn bi schtralendem Sunneschyn unser Sujet könne voorfiere. Es isch mit 13 Vorträbler, 12 Pfyffer, 7 Dambure und em Damburmajor e schtolze Zug mit 33 Dailnähmer gsi. Nonem Nachtässe im Hotel Balade im Glaibasel isch me



denn zrug ins Grossbasel driftet und mer hän s'Gässle bis in die letschte Fasere uskostet. Am spötere-n Obe hänn mer d'Ladäärne uff e Minschterblatz beglaitet, wo si bis am Mittwoch in dr Ladäärne-Usstellig gstande-n-isch. Die Zältbaiz uff em Minschterblatz wo schinbaar vom Comité organisiert worde-n-isch het derzue bydrait, dass e super Schtimmig deert uf däm Blatz geherrscht het. Mer kennte nomee so Zält bruuche in dr Stadt, denn mängmool het me wiit miesse laufe fyr a halbe Wysse zgriegen wills kaini Baize me het!

Nach em offizielle Schluss vor em Hotel Basel sin die ainte glyy haim go schloofe, anderi hänn's no in Käller gschafft und me het no lang gschwärmt vo däm scheene Fasnachtsmändig.

Dr Mittwochnomidaag het aigentlig aagfange wie dr Mändig uffgeheert het, nämmlig mit schtralendem Wätter und e ere super guete Schtimmig in dr Alte Garde. Jede het s'Bescht gää und mer hän's no dr Staineberg duruff gschafft, obe-n-ine in d'Freiestross und sin denn mied aber zfriede im Spielmaa go znacht ässe. Wie allewyyl sin mer schnäll, guet und zyygig bedient worde.

Frisch gschtärggt het is d'Gass wider in ihrne Fäng uffgnoo. Am nyyni zobe het me sich (sogar uff Zyyt) troffe mir dr Junge Garde und em Stammverein zem Minschtermarsch d'Freiestroos ab. Das isch immer fyr alli aine vo de scheenschte Momänt vo dr Fasnacht. Bis am Schluss wo dr Major am ains am Moorge abgwungge het isch die ganzi Alti Garde no komplett gsi und es isch e mänge erscht frie am Donnschtig dem Moorge haim koo.

Die drei scheenschte Dääg hän wirglic ghalte was si versproche hän.

Dr Bebbi

Agända Alti

2008

24.04.08 Hauptversammlung AG

12.05.08 GV CCB

07-29.06 CCB EM Studio

1. DO im Summerstamm im Monet Hotel Basel

15.08.08 Em Bebbi sy Jazz

20.09.08 Herbstbummel

16.10.08 Übungsbeginn

06.12.08 Santiglaue-Bummel

2009

09.01.09 Jooresfyyr

21.02.09 Marschübung

01.03.09 Latärne Vernissage

02-04.03 Fasnacht 2009

immer aggtuell: www.ccb1911.ch



Das haben Sie und Ihr Auto verdient:
EINEN PERFEKTEN SERVICE!



Emil Frey AG
Olympic Garage

Brüglingerstrasse 2, 4002 Basel
061 335 61 61, www.olympic-basel.ch

031 261408



*Die gmietligi Balz
z' mitts in dr Altstadt*

*Im 1. Stogg
s' haimelige Lokal
zum feyn ässe*

Restaurant Gifthüttli

*Schneidergasse 11
4051 Basel*

Tel. 061 / 261 16 56

Fax 061 / 261 14 56

Bummel 2008

UFF NACH CHINA

Mein Name ist Féi li kè sí. Ich bin Fleund von Kù ěr té Simmler, den ich haben kennengeleint auf seine Chinaleise. El mich eingeladen an Fasnacht und Fasnachtbummel von Alti Galde.

Was ich alles haben erlebt – wundelschön. Gäali Gfohl – sel inteessant und lustig, abel falsch. Wil Chinesen nicht alles kopilen und schlechte Qualität. Das stimmen nit. Abel – lassen wil das. Chinese immel lächeln, immel fleundlich.

Habe bei Kù ěr té Simmler auch Baseldeutsch geleint. Schöne Splache. Abel ich schleiben liebel kollekte Schifftsplache.

Lass mich von Bummel belichten. Wettel wal etwas glau, abel meist tlocken. Neben meine Fleund wal die ganze Alte Galde und noch weitele Fleunde aus Stammvelein dabei. Neugielige.

Nach Kaffee im Vogellestaurant (Spelbel) gingen wil auf Stassenbahn. Nummel 11. Als das Tlam kam, sehen ich, das ist leine Kopie von Chinesentlam: gelb – und übelhaupt nicht zuvelässig. Chaos am Bahnhof, dann doch weitel mit Gelb Nummel 11, dann 10 (auch gelb).

Im Blugggut in Allesheim bei Familie Simmendingel gab es im Gewölbekelle Weinplobe. Du glauben nicht: Wein auch gelb – wie bei uns in China! Eine leine Kopie! Abel schmecken auch nit schlecht. Was es dazu zu essen gab, sei echt schweizelisch, sagte mil Kù er té. Nach etwa eine Stunde Weinplobe wal es Zeit, an die flische Luft zu gehen. Baseldeutsch (von Kù ěr té geleint) ging nicht mel so gut.

Weitel mit kopilte Tlam nach Dolnach und dann in Bus – natürlich auch gelb, abel mehl komfoltabel als in Peking.

In Leinach bummelten wil zu Altelslesidenz Aumatten, gingen abel volbei zu Clubhaus von FC Leinach. Schöne Anlage, abel unsele in Peking von Helzog und Dömölon ist bessel. Da wil alle essen Salat, Schweinesteak und Dessel. Alle assen mit Messel und Gabel! Lustig. Essen wal gut, muss Lezept kopilen.

Wa lè té, del glosse Volsitzende von Alte Galde, dankte allen, die fül Fasnacht tätig walen. Danach ging es weitel – mit gelbe Tlam 11 nach Basel. In einem Bülo von Zentlalcomité Fasnacht konnten wil mit Kè lái sí duō fū Bülgin auf seinen Gebultstag anstossen. Hat uns fein velwöhnt – untel andelem mit gelbe Wein...

Und dann ging es wieder auf die Gasse. Bis 22 Uhl immel wieder Gässle, dann Pause mit gelbe Wein. Als Wéi ěl nà nach dem Saggodo pünklich und genau abwinkte, wal ich so müde, dass ich auch nicht mehl gut chine-Mil hat Bummel gefallen. ahostessen das Baseldeutsch aus Basel eine glosse Fleude

费利克斯

sisch splechen konnte.

Nun ich gehe zulück nach Peking und blinge den Olympi-von Kù ěr té bei, damit sie beim Empfang den Spoltfleunde machen können.

Auf Wiedelsehen in Peking.

(Féi li kè sí)

Grusswort zum «Natur» Kongress in Basel

AM 22. FEBRUAR 2008 VON REGIERUNGSPRÄSIDENT DR. GUY MORIN

Wenn d Kue verdaut, wird Graas ze Gaas
 Das Gaas isch schampar schlächt firs Klima
 Drum luttet unser Sujet daas
 Joohr aifach: Kue zue – Klima prima.

Firs Klima isch e son e Kue
 Ebbe s glyychi wien e Kaare
 Wie käämt me folgig au derzue
 Und wuurd bim Tangge spaare?

D Leesig isch simpel und wirggsam derzue
 Ai Griff und denn hesch uff ai Glapf e
 Darmgaas-inhibierti Kue
 Uff Dytisch: De steggsch in d Kue e Zapfe.




Die Klimaerwärmung ist ein emotionelles Thema, es bewegt die Menschen. Dies war auch an der Basler Fasnacht zu spüren. Cliggen und Schnitzelbänke nahmen es als Sujet auf. Das Beispiel CCB oder Closed Cow Brojäggt macht eines deutlich: Man kann das Thema auch mit Humor und viel Witz behandeln. Ich bin überzeugt, dass trotz der Ernsthaftigkeit der Klimaerwärmung Humor und Witz mehr bewegen als Angst und Verbote. Angst und Verbote lösen nur Abwehr und Verdrängung aus. Abwehrreflexe sind in der Klimadiskussion noch viel zu stark vorhanden. Mit Humor auf die Verdrängungsmechanismen hinzuweisen, dass ist die Botschaft der Cligge CCB 1911. Die vermeintlichen oder echten „Klimasünder“ sind ja vortrefflich dargestellt.

Herr Bundespräsident,
 Sehr geehrte Damen und Herren,
 es ist mir ein besonderes Vergnügen, Sie heute im Namen der Regierungsräte der Nordwestschweizer Kantone begrüssen zu dürfen.

„Forschen“, „lernen“ und „handeln“ widerspiegelt diese Grundeinstellung, die mir persönlich sehr wichtig ist. Nicht Angstmacherei, sondern unvoreingenommenes Ansehen, Erforschen und Erkennen der Zusammenhänge, und darauf abgestütztes zuversichtliches Handeln sind notwendig. Denn aus der verinnerlichten Erkenntnis folgt die Motivation zum Handeln....

(Mit Hilfe des CCB s konnte Guy Morin die Zuhörer schon zu Beginn seiner Rede in den Bann ziehen.)

 <p>trustconsulting Richard Madörin & Co Dornacherstrasse 86 Postfach 4008 Basel</p> <p>Tel. 061 361 29 24 Fax 061 361 25 49 madoerin@trustconsulting.ch</p> <p style="writing-mode: vertical-rl; transform: rotate(180deg);">Unternehmensberatung</p> <p>Steuerberatung</p>	 <p>Kosmetische Fusspflege</p> <p>Carole Zurbuchen Diplomierte Fusspflegerin Im Birsark 1 4147 Aesch</p> <p>Telefon: 061-702 18 75 e-mail: pie_@freesurf.ch</p>	 <p>Architekturbüro Linus Marti</p> <hr/> <p>Dornacherstr. 210 4053 Basel Telefon/-fax: 061/ 331 11 01</p> <p>Privat: Bruderholzstrasse 106 4053 Basel Tel. 061/ 361 87 42</p>
---	---	---

Neu im Stamm

VIER DAMBURE UND EI VORTRÄBLERIN

Vorname und Namme:

Duno Molinari

Michi Bürgin

Caroline Ritter

Noëmi Voegelin

Sandro Waser

Wo gohst du in d Schuel, in weli Klass und mit was für eme Schwerepunggt?

Gymnasium Kirschgarte 4. Klass Schwerepunggt Bio & Chemie

Gymnasium Kirschgarte 4. Klass Schwerepunggt Bio & Chemie

Gymnasium Oberwil, Schwerepunggt Musik

Gymnasium Oberwil, 3. Immersionsklass, Schwerepunggtfach Altgriechisch

FOS (Frei Oberstufen Schule Muttenz 11. Klasse)

Was möchtsch gärn noch dr Schuel mache?

Gapyear (anm. d. Red. das isch e Zwüschejoor) und denne weiss y nonig

Militär, und denne Sport studiere

Das lon y uf mi zue ko

Zerscht möcht y, wenn möglich, emol e bitz ins Usland go und denn wohrschynlig Medizin studiere.

E handwärgliggi Lehr, wenn möglich Schriiner

Was sin dini Hobbies?

Drummlle, Saxophon, Footbag

Fuessball, Fasnacht, Schlagzüg, PS3

Querflöte, klassischs Piccolo, Tanzen, Kochen

Nadyrlig Drummlle, Karate, Snowboard, Kino und no vvyll me

Drummlle bim CCB, Fotografiere, an PC schaffe, Auto-

grammkarte sammle

Wie lang bisch du scho im CCB und wie lang drummlisch bzw. pfyffsch scho?

Syt 10 Joor

Syt 10 Joor

Vor 10 Joor bin y in die Jung Garde iträtte und ha dört mit Piccolo spile agfange

Also, y drummlle syt 4 Joor und bi au syt denne im CCB

Im CCB bini syt Novämber 2005 und drummlle duen y syt 8 Joor

Wie oder durch wär bisch du in CCB ko?

Durch d Bürgin Family

Das isch wohrschynlig kai Frog :-)) durch d Familie

Syt y glai bi, kenn y dr CCB und bi durch d Familie ine grutscht

Durch mi Brueder

über d Homepage und dur d Bekanntschaft zem Linus vo dr Alte Garde

Uf was freusch du di im Stamm am meischte?

Uf d Fasnacht 09

Fondue ässe :-)) nei eifach ufs zämme Fasnacht mache und alles was drzue ghört

Uf d Fasnacht 2009 im Vortrab

Uf s neuu Lüt kennelerne

Dass ys mit de andere Stammmitglieder luschtig ka ha und ändlig zue de grosse Kinder derf ghere

Uf was freusch du di im Stamm am meischte?

Uf die neue Lüt

s Sujet 2009

Uf s Joor 2011 mit allem drum & dra

Uf Fasnacht bi Erwaggse...;-)

Uf d lebyggsstunde und uf d Daufi vo de neye Stammmitglieder



Michi

Sandro

Duno

Caroline

Noëmi

Was wirsch an dr Junge Garde am meischte vermisse?

Au d Lüt und die gueti Stimmig an dr Fasnacht
Ässschlachte (obwohl was ich scho gseh ha, könne dir
s im Stamm au)

D' Kollege, wo no jünger sin, oder us andere Gründ
nonig in Stamm kömme

Mini Kollege und Kolleginne vo dr Junge Garde

Was wirsch an dr Junge Garde nid vermisse?

Kurzi Pause und langi Rieme

D Spaghetti vom Mittwochobe

Die doch rächt glaini Aazahl vo Aggtive im Spiil

D Zyt won y bi dr Junge Garde vom CCB ha derfe ver-
bringe, die wet y nie misse und us däm Grund wird y
alles e weeneli vermisse

Di Lieblingsmarsch:

Calibra

Alles wo fägt (Pfyfferretraite, BaMa, Saggodo, Sam)

Sambre et Meuse (muess en eifach no lere ;-))

Pfyfferretraite und Unggle Sam

Di Schlegelwicht ?

Meischtens zwei verschideni und nüt über 69

Ehhhmmmm....

88



S'isch allewyyl "Fasnachts-Zyt" im Hotel Basel.



Basler Keller · Münz · Sperber – Gastlich und freundlich.

am Spalenberg · Münzgasse 12 · CH-4051 Basel Telefon 061/264 68 00 · Fax 061/264 68 11

Allergattig

Aaschlagbrätt

DRUMMELRUUM

DER CCB SUECHT E RUUM WO ME EIMOL IM MONET UF DR DRUMMLE YYEBE KA. WENN DE EBIS WEISCH MÄLD DI BITTE BIM THOMAS MEYER UNTER 076 407 47 37

AASCHLAGBRÄTT
WOTSCH EBBIS DO ASCHLO DENNE SCHIGGS
AN REDAKTION@CCB1911.CH

CCB EM-STUDIO
VOM

7.-29. JUNI 2008


IM SPÄRBER, HOTEL BASEL

EMAIL-REDAGGZION
D REDAGGZION HET EN AIGENI EMAILAD-
RÄSSE: REDAKTION@CCB1911.CH DÖRT
KASCH ALLI BRICHT UND ALLES ANDERI WO
MIT DR ZYTIG Z DUE HET ANESCHIGGE

JUBILÄUM JUNGI GARDE
DIE JUNGI GARDE FYRT NÄGSCHT JOOR IHRE
75 GEBURTSDAAG

HAUPTVERSAMMLIG
D HAUPTVERSAMMLIG VOM STAM
FINDET AM 15.05.2008 AM 8I IM
DVD-KÄLLER STATT.

Die Jungi Garde am Bummel
uff eme Bild in dr BaZ
vom 3. März 2008



DRUMMELSONNTAG (I). Ein letztes Mal ins Piccolo geblasen und die Drummel geschlagen. Frau Fasnacht ist am Sonntag für dieses Jahr erstummt.



L
L-T
R:
08
H

DAMBURE-HOGG
DR DAMBURE-HOGG FINDET AM
10.4.2008 AM 8I IM LISETTLI - STÜBLI
IM HOTEL BASEL STATT.

TERMINLISCHE
AB SOFORT GITS UF DR CCB - HOMEPAGE
E TERMINLISCHE FÜR ALLI: ALTI-GARDE,
JUNGI-GARDE UND STAMM IM ÜBERBLIGG.
WWW.CCB1911.CH/AGENDA

GENERALVERSAMMLUNG
D GENERALVERSAMMLIG VOM 29.05.2008
FINDET IM JUNTERESSLI-KÄLLER STATT.
DÄ ISCH AN DR DROOTZUGSSTROOSS 69.



BASLER FREILAGER AG
Telefon (061) 338 96 96
Telefax (061) 338 96 97
Telegrammadresse:
PORTFRANC BASEL
Postcheckkonto 40-3998-3

VERMIETUNG

von Büro- und Lagerräumlichkeiten
im Industrieviertel Dreispitz
in bester verkehrstechnischer Lage
sowohl strassen- und schienenmässig
erschlossen

DIENSTLEISTUNGEN U.A.

- Warenlagerung Inland und unter Zollkontrolle
- Bemusterung, Sortierung und Neutralisieren
- Kommissionieren etc.

Hesch gwisst, ass d Basler Freilager AG
dr grossi Sponsor isch vom CCB?
Au gheert si nit grad zue de Maagere,
denn si duet uns're Grimmbel laagere!
Und sottisch irgend ebbis von're ha,
so zeegere nit lang und lyt schnäll aa!

Hesch scho gwüsst, ass...

- dr Oli R. und d Nathalie M. als Kinder als zämme im Pool blanscht hän?
- an dr Fasnacht trotz Zäpfe z vyl gfurzt worde isch?
- dr Thommy M. am Morgestraich sy Uhr deheim vergässe het?
- Wasabi Baschte siess isch?
- wenn d Manu N. Pommes Frites isst, ihre die in Rugge göhn?
- d Nomidaagsvorstellig vom Drummeli nit am 15.23 stattfindet?
- dr Markus S. dr Titel als kantonale Vizemaischter im Nacktjoodle het und dä das Joahr verdaidyge will?
- e Durchfall sälte elai kunnt?
- d Fabienne H. s Atélierinstruktionsmail vom Stefan B. in stundelanger Arbet uf Basel dütsch übersetzt het, dr Stefan B. denn aber s falsche Mail abgeschiggt het?
- me dr CCB uf YouTube mindeschtens viermol gseh ka?
- in däre Tube aber kai Wasabi Baschte isch?
- dr Massi B. noch eme Fällriss am Bummel in rekordverdächtige 20 Minute e neu Drummle uffdriibe het?
- abgstandene Pastis vor em Bruune Mutz bsunders guet schmeggt?
- d Ursi N. ihres Amor-Goschdüm noch em Drummeli doch wider in alte Zuestand zruggbaut het?
- die Fasnacht dr HAMMER gsi isch?

